

Sier Hironimo Trivixan qu. sier Domenego	» 25
Sier Nicolò di Prioli qu. sier Mafio	» 15
Sier Vincenzo Donado qu. sier Zuane	» 50
Sier Nicolò Balastro qu. sier Zuane	» 10
Sier Marin Contarini qu. sier Bortolamio	» 50
Sier Marco Corner qu. sier Piero	» 25
Sier Agustin Surian qu. sier Zuanne	» 25
Sier Piero Contarini qu. sier Agustin	» 30
Sier Zuan Emo qu. sier Zorzi procurator	» 100
Sier Alvixe Loredan qu. sier Luca	» 25
Sier Hironimo da chà Taiapiera el dottor	» 25
Sier Michiel Capello qu. sier Giacomo	» 50
Sier Zuan Marzello qu. sier Donado	» 50
Sier Andrea Dolfìn qu. sier Zacaria	» 40
Sier Zuan Foscari qu. sier Agustin	» 50
Sier Andrea Valier qu. sier Antonio	» 10
Sier Vienzo Polani qu. sier Giacomo	» 30

Dapoi Conseio, la Signoria si reduse col Collegio. Balotono scrivàn al sussidio in loco di Andrea Dolze morite, et è stato in l'oficio *solum* zorni . . . Rimase Andrea Zi zoier.

256 *Da Trani, di sier Vettor Soranzo governador, di 23 Luio.* Come era morto sier Andrea Zivran proveditor di stratioti, et non dice dove; et sier Domenego Bolani qu. sier Alvixe era governador in Monopoli. Di Manferdonia spera di haverla.

Et nota. Si ave per avanti, come a di 10 Luio, havendo il ditto proveditor Zivran fatto una imboscata verso Manferdonia, inimici ussifeno et amazzono Rali Paleologo capitano di stratioti et Thomaseto Lusi.

Fo portà per alcuni venuti da Mola una piera di bombarda molto grossa che trazeno quelli del castello di Mola che si tien per l'Imperador a la terra venuta sotto San Marco, con quelle lettere scritte in uno boletin sopra lamena, del castello, *Mola fidelissima*; et fu posta ai piè di la scala di piera va in palazzo.

A di 3. La matina fo *lettere di Brexa, di ultimo, di sier Zuan Ferro capitano et vice-podestà.* Vidi come inimici tutti erano levati, et quelli restati in Pandino, da 200 fanti, dali nostri di Crema perseguitati, si erano reduiti in certa chiesa et li fatosi forti. Et il conte Alberto Scotto havia mandato a Crema a tuor artellarie, et si tien li haverano. Et per alcuni presi de inimici se ha, il ca-

stellan di Mus havia intelligentia in Bergamo, *unde* è stà scripto a quelli rectori advertiscano a questo. *Item*, scriveno come, in execution di lettere di la Signoria, lui Capitano et il Foscari proveditor havia persuaso quelli cittadini a voler prestar a la Signoria con la restitution etc. Hanno trovato pochissimo, che si vergogna a scriverlo; ma hanno trovato certo modo che sperano haveranno da brexani da ducati 10 milia et più.

Et per altre lettere

Di Alessandria, di sier Francesco Contarini orator, fo lettere di 31. Del zonzer li monsignor di San Polo et lui con Andrea Rosso secretario et parte di le zente; el resto saria *immediate*. Serive haver dato a bon conto al ditto San Polo scudi 100 milia. *Item*, come il Vistarini, per avisi hauti che in Pavia era poca custodia, dovea portarse con 1000 fanti et andar a veder di recuperar dita città, la qual hauta si potria far quella via, et tanto più presto si saria sora Po etc. Il secretario Rosso è restà in Aste.

Di Zara, di sier Zuan Contarini proveditor di l'armada, fo lettere di 20 Luio. Come li era interzato et partiria per Corfù.

Vene l'orator di Ferrara.

Fo ordinato per il Serenissimo Collegio a li Patroni a l'Arsenal mandasseno hozi via il ponte fatto in l'Arsenal su 30 burchiele, qual costa zerea ducati 1000, et cussì fo mandato.

La terra heri 8 di peste, et 28 di altro mal.

Dapoi disnar fo Conseio di X con la Zonta, et prima elexeno vice cao, in luogo di sier Hironimo Loredan è amalato, sier Marco Gabriel stato altre fiate.

Fu posto et preso, atento brexani voleno prestar ducati 12 milia havendo l'ubligation a la camera di Brexa, pertanto sia preso che a tutti quelli prestarà li sia ubligato la restitution di ducati 400 el mexe di la camera di Brexa, ubligati mandar a l'Arsenal per la limitation fino integro pagamento.

Fu posto una gratia di sier Alvise da Canal di sier Francesco rimasto podestà a Valle, et non ha età di anni 25, dona ducati 50, et habbi la età come ad altri è stà fato. Fu presa.

Fu posto, una gratia di Zuan Vituri scrivàn ai Proveditori di comun, vol una expetativa di una sansaria in Fontego di todeschi dapoi tutte le altre antiane, et dona ducati 150. Et non fu presa.

Fu posto una parte, che tutte le nave et altri navilli veniranno con biave in questa terra, siano